

JAMHURI YA MUUNGANO WA TANZANIA

BUNGE LA TANZANIA



ORODHA YA SHUGHULI ZA LEO

MKUTANO WA KUMI NA SITA

KIKAO CHA TATU

5 SEPTEMBER, 2019



ORODHA YA SHUGHULI ZA LEO

MKUTANO WA KUMI NA SITA

KIKAO CHA TATU – TAREHE 5 SEPTEMBER, 2019

I. DUA:

II. HATI ZA KUWASILISHA MEZANI:

MWANASHERIA MKUU WA SERIKALI:

Maelezo ya Mwanasheria Mkuu wa Serikali kuhusu Muswada wa Sheria ya Marekebisho ya Sheria Mbalimbali (Na. 4) wa Mwaka 2019 [*The Written Laws (Miscellaneous Amendments) (No. 4), Bill, 2019*].



MWENYEKITI WA KAMATI YA KUDUMU YA BUNGE YA KATIBA NA SHERIA:

Maoni ya Kamati ya Kudumu ya Bunge ya Katiba na Sheria kuhusu Muswada wa Sheria ya Marekebisho ya Sheria Mbalimbali (Na. 4) wa Mwaka 2019 [*The Written Laws (Miscellaneous Amendments) (No. 4), Bill, 2019*].

MSEMAJI MKUU WA KAMBI RASMI YA UPINZANI BUNGENI KUHUSU WIZARA YA KATIBA NA SHERIA:

Maoni ya Msemaji Mkuu wa Kambi Rasmi ya Upinzani Bungeni juu ya Wizara ya Katiba na Sheria kuhusu Muswada wa Sheria ya Marekebisho ya Sheria Mbalimbali (Na. 4) wa Mwaka 2019 [*The Written Laws (Miscellaneous Amendments) (No. 4), Bill, 2019*].

III. MASWALI:

OFISI YA RAIS (TAMISEMI):

30. MHESHIMIWA JOHN JOHN MNYIKA (KIBAMBA):

Atamuuliza Mheshimiwa Waziri wa Nchi, Ofisi ya Rais (TAMISEMI):- Tume ya Taifa ya Uchaguzi iliwahi kupewa jukumu la nyongeza la kusimamia kura ya maoni ya mabadiliko ya Katiba kwa Sheria iliyotungwa na Bunge kwa kutumia Ibara ya 74 (6) (e) ya Katiba ya Nchi:-

- (a) Je, ni kwa nini Ibara ya 74 (6) (e) isitumike ili Uchaguzi wa Vitongoji, Vijiji na Mitaa wa mwaka 2019 usimamiwe na Tume ya Uchaguzi badala ya Ofisi ya Rais (TAMISEMI);

(b) Je, ni kwa nini Serikali haijatekeleza makubaliano na Vyama ya mwaka 2014 ya kuwezesha Uchaguzi wa Vitongoji, Vijiji na Mitaa kutumia Daftari la Wapiga kura lililoboreshwa badala ya Orodha ya Wakazi;

(c) Je, ni hatua gani Serikali imechukua kuhakikisha uchaguzi wa Serikali za Mitaa 2019 unakuwa huru na wa haki.

OFISI YA RAIS (UTUMISHI NA UTAWALA BORA):

31. MHESHIMIWA ENG. RAMO MATALA MAKANI (TUNDURU KASKAZINI):

Atamuuliza Mheshimiwa Waziri wa Nchi, Ofisi ya Rais (Utumishi na Utawala Bora):- Utekelezaji wa Mpango wa Kaya Maskini katika Jimbo la Tunduru Kaskazini una changamoto nyingi sana zinazolalamikiwa na Wananchi:-

Je, Serikali itachukua hatua zipi za makusudi kurekebisha kasoro hizo ili wananchi wapate kunufaika vema na huduma za Mfuko huo.

OFISI YA MAKAMU WA RAIS (MUUNGANO NA MAZINGIRA):

32. MHESHIMIWA MWATUM DAU HAJI (VITI MAALUM):

Atamuuliza Mheshimiwa Waziri wa Nchi, Ofisi ya Makamu wa Rais (Muungano na Mazingira):- Kasi ya mmomonyoko wa ardhi na uhaba wa udongo katika Visiwa vya Unguja na Pemba inatishia uhai wa Visiwa hivyo:-

Je, ni hatua zipi za makusudi zimechukuliwa katika kuvinusuru Visiwa hivyo.

WIZARA YA FEDHA NA MIPANGO:

33. MHESHIMIWA FAIDA MOHAMMED BAKAR (VITI MAALUM):

Atamuuliza Mheshimiwa Waziri wa Fedha na Mipango:-

Je, ni sababu gani zimekwamisha uanzishwaji wa Benki ya Wanawake kwa upande wa Zanzibar.

WIZARA YA MIFUGO NA UVUVI:

34. MHESHIMIWA ALFREDINA APOLINARY KAHIGI (VITI MAALUM):

Atamuuliza Mheshimiwa Waziri wa Mifugo na Uvuvi:- Katika Mkoa wa Kagera kuna Ranchi za Taifa zipatazo nne ambazo ni Kagoma, Mabare, Kitengula na Missenyi:-

Je, ni lini Serikali itajenga Kiwanda cha kuchakata ngozi katika Mkoa wa Kagera.

WIZARA YA ULINZI NA JESHI LA KUJENGA TAIFA:

35. MHESHIMIWA HASSAN ELIAS MASALA (NACHINGWEA):

Atamuuliza Mheshimiwa Waziri wa Ulinzi na Jeshi la Kujenga Taifa:- Kambi za Jeshi 41KJ, 452 Medium ni miongoni mwa kambi kongwe na zenye mchango mkubwa katika Ulinzi wa Taifa letu. Kutokana na ukongwe huo, kambi hizo zimechakaa miundombinu yake mfano shule na zahanati zilizopo kwenye kambi hizo:-

(a) Je, nini mpango wa Serikali juu ya kuboresha miundombinu ya Zahanati zilizopo kwenye kambi hizi;

(b) Je, nini mpango wa Serikali kuboresha miundombinu ya shule hiyo iliyopo kwenye Kambi hizo;

(c) Je, nini mpango wa Serikali juu ya kuboresha miundombinu ya Medium Workshop hiyo.

WIZARA YA KILIMO:

36. MHESHIMIWA JOSEPH MICHAEL MKUNDI (UKEREWE):

Atamuuliza Mheshimiwa Waziri wa Kilimo:-
Kutokana na ufinyu wa ardhi na ongezeko la watu kwenye visiwa vya Ukerewe, pamoja na ardhi kutokuwa na rutuba kumesababisha Kilimo kisicho na tija:-

Je, Serikali ina mkakati gani wa kufanya utafiti wa kisayansi ili kuwashauri Wananchi wa Ukerewe aina ya mazao yanayopaswa kulimwa na jinsi ya kutumia eneo dogo la ardhi kwa ufanisi.

WIZARA YA UJENZI, UCHUKUZI NA MAWASILIANO:

37. MHESHIMIWA ESTER ALEXANDER MAHAWE (VITI MAALUM):

Atamuuliza Mheshimiwa Waziri wa Ujenzi, Uchukuzi na Mawasiliano:-

Je, ni lini Serikali itawalipa fidia wananchi wa Sinai, Hagoni, Kwere na Mruki waliopitiwa na barabara ya “By Pass” ya magari makubwa yatokayo Dodoma na kutokea stendi mpya ya Babati Mjini.

38. MHESHIMIWA DKT. DAVID MATHAYO DAVID (SAME MAGHARIBI):

Atamuuliza Mheshimiwa Waziri wa Ujenzi, Uchukuzi na Mawasiliano:-

Je, ni lini Serikali kwa kushirikiana na Mashirika ya simu itawapelekea huduma ya simu wananchi wa Kata za Msindo, Mshewa, Mhezi, Vumari, Vudee, Tae, Suji, Gavao, Saweni na Ruvu Jiungeni.

WIZARA YA HABARI, UTAMADUNI, SANAA NA MICHEZO:

39. MHESHIMIWA SOPHIA HEBRON MWAKAGENDA (VITI MAALUM):

Atamuuliza Mheshimiwa Waziri wa Habari, Utamaduni, Sanaa na Michezo:- Michezo mingi ikiwemo mpira wa miguu inapata ufadhili sana hapa nchini kupitia Kampuni mbalimbali binafsi na za Kiserikali:-

Je, ni lini Serikali itahakikisha ufadhili unapatikana kwenye michezo inayohusu Wanawake hususan michezo ya ngumi kwa Wanawake.

IV. MISWADA YA SHERIA YA SERIKALI:

(Kusomwa Mara ya Pili, Kamati ya Bunge Zima na Kusomwa Mara ya Tatu)

Muswada wa Sheria ya Marekebisho ya Sheria Mbalimbali (Na. 4) wa Mwaka 2019 [*The Written Laws (Miscellaneous Amendments) (No. 4), Bill, 2019*].

**DODOMA
5 SEPTEMBER, 2019**

**S. KAGAIGAI
KATIBU WA BUNGE**